

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

28.12.2018թ.

ք. Արովյան

Հարկադիր կատարումն ապահովող ծառայության Կոտայքի մարզային բաժնի Արովյանի բաժանմունքի հարկադիր կատարող Հ. Մկրտչյանս ուսումնասիրելով 28.12.2018թ. վերսկսված թիվ 01751669 կատարողական վարույթի նյութերը.

Պ Ա Ր Զ Ե Ց Ի

Կոտայքի մարզի ընդհանուր իրավասության դատարանի կողմից 27.04.2015թ. տրված ԿԴ1/1650/02/14 կատարողական թերթի համաձայն պետք է Սևակ Ավետիկի Սիմոնյանից հոգուտ <<ՎՏԲ-Հայաստան Բանկ> փակ բաժնետիրական ընկերության բռնագանձել 558.089 ՀՀ դրամ, որից

510.000 ՀՀ դրամ՝ վարկի գումար,

34.914 ՀՀ դրամ՝ վարկի դիմաց հաշվարկված տոկոս,

1.740 ՀՀ դրամ՝ ժամկետանց տոկոսի դիմաց հաշվարկված տույժ,

5.313 ՀՀ դրամ՝ ժամկետանց գումարի դիմաց հաշվարկված տույժ

6.120 ՀՀ դրամ՝ վարկի սպասարկման հաշիվներ:

Ժամկետանց վարկի գումարի և հաշվարկված տոկոսների նկատմամբ տույժերի հաշվարկը 26.08.2014թ.-ից մինչև պարտավորության փաստացի կատարումը շարունակել օրական 0.1 տոկոսով՝ յուրաքանչյուր ուշացած օրվա համար, համաձայն 25.04.2014թ. կնքված վարկային պայմանագրի 6.1 կետի և այդ գումարի 2 տոկոսի չափով գանձել հոգուտ պետական բյուջեի, որպես պետական տուրքի գումար:

Բռնագանձումը տարածել գրավադրված՝ պատասխանողին սեփականության իրավունքով պատկանող ՈՎ 075 14 00646 վարկային պայմանագրում նշված ոսկյա իրերի վրա:

Պարտապանից բռնագանձել կատարողական գործողությունների կատարման ծախս բռնագանձման ենթակա գումարի 5%-ի չափով:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով.

Ո Ր Ո Շ Ե Ց Ի

Պարտապան Սևակ Ավետիկի Սիմոնյանի կողմից գրավադրված ներքոհիշյալ գույքը.

h/h	լոտի անվանումը նկարագիրը	գնահատման գինը	մեկնարկային գինը	գույքի քանակը
1.	Շղթա, հարգը՝ 560, քաշը՝ 9.5 գրամ:	100.700 դրամ	75.525 դրամ	1 հատ
2.	Թևնոց, հարգը՝ 580, քաշը՝ 8.4 գրամ:	92.400 դրամ	69.300 դրամ	1 հատ
3.	Թևնոց, հարգը՝ 580, քաշը՝ 20.5 գրամ:	225.500 դրամ	169.125 դրամ	1 հատ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ 21.02.2019 թ.:

Որոշման պատճենը ուղարկել կողմերին:

Որոշումը կարող է բողոքարկվել ՀՀ Վարչական դատարան կամ վերադատության կարգով որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված կարգի:

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ և 5-րդ մասերի համաձայն երկրորդ և յուրաքանչյուր հերթական աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ԴԱՀԿ ծառայություն մինչև չկայացած աճուրդից հետո երկրորդ աշխատանքային օրվա ավարտը:

Հարկադիր կատարող

Հ. Մկրտչյան

